

東華續錄

同治朝

卷四十四之四十七

第三十冊

三月丙申朔諭議政王軍機大臣等惠慶奏滿城危急請催關內大兵星馳援應一摺逆革提督田興恕濫殺多命○丁酉勢圍困滿城於上年十二月間北城迤東突被地雷轟發角樓震圯城身幸未大損該逆查明田興恕濫殺各款並嗣據勞震傾之處經八旗老幼婦女多人幫同運送輒土乘間堵補完固該逆攻撲滿城勢甚囂等應得罪名請卽照勞崇基奏茲詩新統帶兵勇已由奇台取道赴古著卽刻期前進與惠慶聯絡防剿毋稍稽延楊岳斌耳等濫行殺斃多命尤屬於無辜迅帶新募勇丁赴甘肅賊並飭令彭楚漢等將未經募足之勇趕緊招練陸續西發以便滅等議罪之處聲明請旨將連次令由山陝等省取道出關此時諒已抵晉著於所調黑龍江官兵到時卽行統率星速進茂營卽張心培謝葆齡以起解毋慶明奎章扎拉芬等先後奏報願隨聯捷出關剿賊俱經降旨允准軍營事權必須統一已革道員繆煥章前署貴署發往明奎章扎拉芬各員均著歸聯捷節制一切軍營奏報並毋庸崇恩等列銜以免紛歧都州巡撫韓超於田興恕奉均著永前赴哈密扼剿此時行抵何處著都興阿等飛檄德祥迅速前行鶴齡一軍如無須留防基奏審明已革貴州提督臣等前與阿等隨時酌度辦理古城旗營婦女竟能幫同運送輒土共保危城洵屬深明大義著惠慶加意拊循隨時獎勵奏請卹加賞資以固軍心古城待援急於星火色普詩新聯捷等務當體朝廷廬念邊陲之意刻日整隊進行儘再事遷延致誤軍事該大臣等自問當得何罪惠慶仍當激勵在城兵勇協同固守以待援軍毋稍疏解將此由六百里各諭令知之○丁酉諭內閣前因已革提督田興恕濫殺多命並被參各款降旨將田興恕革職交張亮基等秉公嚴訊定擬罪名嗣據勞崇光張亮基奏查明田興恕濫殺各款並幕友張茂萱等劣蹟分別定擬一摺當經諭令總理各國事務衙門妥議具奏茲據奏稱田興恕等應得罪名請卽照勞崇光等所擬分別議結等語此案田興恕任用匪人多行稅政玩視軍務又於無辜之傳教人文乃耳等濫行殺斃多命尤屬殘暴任性據勞崇光等奏稱應照二罪俱發以重者論之例從重定擬仍將連次恭逢恩赦例應減等議罪之處聲明請旨田興恕著卽照勞崇光等所擬發往新疆充當苦差不准援免並著迅速起解毋任逗留革員張茂萱卽張心培謝葆齡以幕友濫膺保舉攬權怙勢貽害地方懇恩田興恕種種妄爲獲罪甚重均著發往新疆充當苦差已革道員繆煥章前署貴陽府知府多文於田興恕剛愎各情曲爲迎合實屬荒謬業經另案革職均著永不敘用前署貴州巡撫韓超於田興恕奉旨赴川屢次瀆奏請留實屬不諳政體著交部議處○諭議政王軍機大臣等前因勞崇光張亮基奏審明已革貴州提督田興恕殺害教民一案分別定擬一摺當經諭令總理各國事務衙門議奏請

奏稱田興恕等應得罪名請卽照勞崇光等所擬議結等語本日已明降諭旨將田興恕發往新疆不准援免張茂萱卽張心培等分別定擬矣田興恕種種妄爲貽誤軍事實屬罪無可逭卽置之重典亦所應得從寬覓覓擬新疆已屬法外施仁見在是否羈禁秀山抑已到省著崇實駱秉章卽行派委安員將該革員剋日起解不得任其藉詞延宕致干咎戾張茂萱卽張心培謝葆齡均著勞崇光等卽行派員起解並著崇實駱秉章等將該革員等起解日期飛速奏報不准稍涉稽延餘著該督撫等妥爲辦理總理各國事務衙門原摺著鈔給閱看將此由六百里各諭令知之○戊戌諭議政王軍機大臣等楊岳斌奏招勇業已成軍迅卽督率赴甘一摺據稱總兵彭楚漢楊明海等招募湘鄉衡山等處壯勇業已成軍各營軍裝器械一律齊備見於二月十六日全行抵省定於二十等日分作三起由湘江水路取道湖北前進等語辦理尙屬安速卽著楊岳斌親督各軍迅速赴甘將該省滋事各匪次第掃蕩以靖邊陲據該督奏稱勇丁僅止五千尙不足原奏八千之數兵責精練不在數之多寡惟當勤加教練卽可足資剿辦楊岳斌久諳軍事諒能剋期底定以慰朝廷西顧之憂另片奏接據曾國藩函稱東征局因金陵撤散勇丁回湘籌還欠餉俟補足後擬於本年底節前停撤見在甘省需餉浩繁請改爲西征局一切章程照舊辦理俟撤勇欠餉補清全歸楊岳斌軍營以作西征軍士之費並請飭下曾國藩等遵照辦理等語東征局每年抽收釐金約計七八十萬兩之多東南見雖平定而西北軍務方殷楊岳斌抵甘後都興阿穆圖善等軍卽須出關剿辦需餉均甚緊急若將此項釐金移作西征之用則楊岳斌等之軍旣克飽騰而征剿關外之餉亦可藉資轉運於軍務大有裨益官文曾國藩李瀚章素顧大局卽著按照所奏各節斟酌情形妥籌辦理迅速具奏李瀚章未到任以前著石贊清認真籌辦將此由六百里諭知官文曾國藩楊岳斌李瀚章並傳諭石贊清知之○諭李雲麟奏西路梗塞擬改道出口並懇赴京請訓各摺片見在新疆軍務緊要正需人孔亟之際李雲麟旣簡投庫爾喀喇烏蘇領隊大臣自應迅赴新任效力戎行陝甘路旣未通卽可改由北路行走以期迅速其口外應用勘台烏拉票等本日業經諭令兵部等衙門迅速頒給矣李雲麟接到後著卽剋日啟行毋稍延緩片奏內稱赴京請訓兼陳兵機緩急等語該領隊大臣如果於軍事機宜確有所見不妨隨時具摺陳奏以備採擇毋庸來京面陳李雲麟係棄瑕錄用之員惟當努力前進奮志立功以副委任不可徒事侈談毫無實際再蹈前轍也將此諭令知之○子福建陣亡總兵官賀國珍知縣沈田玉副將尹定友等榮蔭世職均附祀張運蘭祠○己亥諭議政王軍機大臣等林鴻年奏會籌進剿事宜並滇省軍務不宜再緩請飭趙煥聯赴滇提篆礙難帶往各摺片滇黔兩省軍務均關緊要見在迤東渠魁授首官兵正宜乘此機會專攻迤西同日楊振鵬擅攬臨安馬如龍等權勢日

張亦宜分別期辦裁抑林鴻年自宜速集兵勇進紮昭通籌辦軍務以資控制並著駱秉章遵照前奉諭旨於劉嶽昭唐友耕等所部酌量抽撥數營交林鴻年帶往滇省所需餉銀亦由駱秉章酌量緩急撥解以顧大局見在階州城池克復在即唐友耕俟階州克復後即著駱秉章飭令該提督統率全部移赴滇省屆時林鴻年即可將雲南提督印信交唐友耕接收臬司趙煥聯已諭令李瀚章等催令赴滇道員黃冕業經告病回籍應毋庸議前經諭令勞崇光由黔赴滇著即懷遵前旨迅往迤東擇要駐紮與林鴻年會商軍務相機辦理毋得遷延觀望致誤戎機將此由六百里各諭令知之○諭林鴻年奏雲南軍務緊要進兵不宜再緩惟餉需無出不得不作夏多益寡之計見在東南軍務漸定東征局餉銀可望騰那接濟請飭該省每月撥銀三萬兩合之前撥湖廣釐金每月可得五萬兩之數庶軍務藉得措手等語昨因楊岳斌奏甘省需餉浩繁請將東征局改爲西征局藉資接濟當經諭令官文等斟酌妥辦此時滇中軍務未平紀綱廢弛非有督撫大員帶兵入滇相機勦撫不足挽回全局林鴻年見擬進紮昭東保全完善以期節節進剿第餉項支絀遽後政前仍恐於事無益官文曾國藩等素顧大局務當與吳昌壽李瀚章等各就本省情形於撥解西征餉銀外每月可以協解滇餉若干酌定數目迅速奏明辦理一面知照林鴻年源源解濟不得推諉不行亦不得遲延不解致誤要需滇省地極險遠逆匪鴟張若非鉅餉購軍必致中途坐困該督撫等務當同心協力共襄斯舉俾得戡定邊隅出斯民於水火李瀚章未到任以前即著石贊清實力籌畫次第撥解毋得稍分畛域林鴻年另片奏請飭臬司趙煥聯赴任等語雲南臬司趙煥聯係熟嫻軍務之員亟應趕緊赴滇經理軍事著李瀚章石贊清飭令趙煥聯迅赴林鴻年軍營聽候差委不准藉詞逗遛將此由五百里諭知官文曾國藩吳昌壽李瀚章並傳諭石贊清知之○展五城煮賑兩月○加賞普濟堂功德林賑米二百石仍展期兩月○庚子以籌運甯夏糧餉賞鄂爾多斯貝子扎那濟爾迪貝勒銜○辛丑諭議政王軍機大臣等前據張之萬奏賊由郿城上蔡遂平交界之五溝營等處南竄至汝甯城東有由信陽竄楚之說當經諭令僧格林沁督隊跟追吳昌壽帶兵出省防剿近日賊勢若何久未據僧格林沁等奏報此股賊匪究竟能否就地殲除抑已竄越楚皖著僧格林沁激勵各軍穩慎進攻詹啟綸一軍諒已早到汝甯見在軍勢賊情該親王務當迅速馳奏以慰廑繫賊眾駭變南竄吳昌壽當懷遠二月十九日寄諭勉期帶兵出省進至豫境察看賊勢兜剿並著督令成大吉等一併出境會剿以收夾擊之功官文於省城防守事宜務須妥爲經理並嚴飭水陸諸軍聽吳昌壽節制不得稍有牽掣致誤戎機劉銘傳一軍多係淮勇皖勇精銳之師利於馳擊是否仍紮三河尖地方見既不令赴關即當責令勦滅此股捻逆著曾國藩李鴻章傳知該提督整頓隊伍如賊近皖境即令

其實力勦洗如賊在楚豫卽檄令越境迎勦聽候僧格林沁調遣僧格林沁之兵轉戰經年疲勞過甚正宜駐於平原曠野  
地方蓄養銳氣凡山徑崎嶇數澤低窪處所斷不可再行冒險前進且該大臣但須指揮調度使各路將士合力進剿賊股  
卽可殄滅亦豈可身臨前敵蹈危機張之萬於省城防守及地方應辦事宜諒已布置妥協並著探悉汝防軍情隨時奏  
報以聞將此由六百里各諭令知之○諭恩麟等奏接捕靖遠回匪撥兵分路防剿肅清河城回民之降各摺靖遠餘賊竄踞  
郭城驛等處經陶茂林督飭官軍分路進剿將郭城驛附近匪徒搜除殆盡焚毀中灘賊巢攻克李家原進取大小白草原  
鐵匪甚眾生擒悍賊馬福兒等數十名訊明正法剿辦尙爲迅速靖遠新城堡會甯王家集處處有賊盤踞陶茂林等酌留  
三營扼紮金縣以顧東路派黃超羣一軍防堵平番要路以通省西咽喉兼防河狄該提督卽由靖會一帶進剿所籌均尙  
周妥卽著陶茂林親督各軍將新城堡等處賊匪節節進剿靖遠而前迅殲醜類固原餘逆恐蔓延會甯等處曹克忠見在  
整隊西行應如何進剿之處著雷正綰陶茂林懷遵前旨妥籌調度肅清河城同眾乞降旣據恩麟奏稱蘇上達本係王大桂  
舊部赫明堂亦是上次隨同張保龍投順之人或誠心向善亦未可知等語卽著恩麟督飭曹克忠嚴密防範妥爲辦理毋  
得掉以輕心致爲該逆所給曹克忠一軍本未令其赴陝著恩麟咨會該總兵實力勦辦迅殄回氛廓清甘境陶茂林曹克  
忠自入陝以來勇往殺賊疊著戰功朝廷深資倚任一俟全甘肅清定當再加懋賞將此由六百里諭知雷正綰並傳諭陶  
茂林恩麟知之○飭四川山東河南陝西各月撥銀四五萬兩備新疆軍餉○壬寅諭軍機大臣等本日據雷正綰奏請將  
已革知府袁懷忠開復永不敘用仍留革職處分已明降諭旨不准開復永不敘用矣此次克復蓮花城賊巢等處雖著戰  
功深恐畱營日久故智復萌未免有妨營務卽著雷正綰將袁懷忠迅卽驅逐出營不准逗畱該革員所部兵勇數百名著  
雷正綰另行遴派員弁妥爲管帶雷正綰於克復固原以後由李旺堡同心城一帶節節進剿見在想已統兵前進卽著仍  
遵前旨穩慎進取與都興阿等會攻雷靈廓清邊圍毋稍延緩見在甘省各路官兵進剿情形著雷正綰隨時馳奏以聞將  
此由六百里諭令知之○諭各直省命盜案件悉遵定限訊結毋任延宕○予甘肅被戕典史劉芳並陣亡參將楊宗德等  
祭葬世職○命恭親王毋庸在軍機處議政並撤一切差使○癸卯諭軍機大臣等本日據張之萬奏賊竄信陽並賊復折  
竄北向見籌布置各摺片官文等奏吳昌壽督兵出省一摺賊由正羅各屬南竄經兵勇民團追剿堵截徑向北竄經陳國  
瑞追擊於確山城東大獲勝仗此次張之萬奏陳國瑞帶兵攻剿殺賊二千有奇奪馬二三百匹係逃出難民供稱尙未接  
僧格林沁咨會如果屬實自係甚爲得力陳國瑞見在所部究有若干兵勇及出力戰狀僧格林沁查明卽可奏請恩施以



示獎勵而資鼓舞賊由遂平西平等處擾及鄆城日向北趨僧格林沁傳令各隊跟追不得繞出賊前由北遏截自係因北面地勢平曠馬隊得以馳騁易於奏功惟北地空虛而賊蹤飄忽如地近平原仍須檄飭各路進兵繞前遏截以杜北竄汴省無兵可撥省垣以南各州縣即著張之萬嚴檄該牧令布置城守督飭各屬認真團練爲堅壁清野之計一面將省城防守事務速行籌辦黃河緊要渡口亦當迅籌防守毋稍疏虞河北一帶團防事宜著張之萬責成各該州縣迅速興辦所有鎮道等防守要隘兵勇並著嚴飭備齊不至臨期貽誤是爲至要直東一帶交界地方前經各該督撫遵旨派有兵勇防守仍著僧格林沁偵探賊情隨時迅速知照各該省飭令帶兵將弁迎頭截擊萬不可令其竄入直東境內致逆勢益形滋蔓官文等所奏水陸防堵情形布置尙爲嚴密此時賊已北趨吳昌壽駐紮黃州距賊較遠著即督率楚軍越境追至豫疆如賊匪折向南趨亦可迎頭截剿並著官文籌畫餉需源源接濟所有楚北各軍即著統歸吳昌壽調遣吳昌壽抵豫後即著隨同僧格林沁合力攻剿聽候進止機宜不得稍分畛域所有楚邊防務仍著官文吳昌壽嚴密防堵毋任賊蹤復行竄入將此由六百里各諭令知之○諭官文奏提督鮑超到鄂起程回川籌辦西征事宜一摺前因新疆回氛日熾疊經諭令鮑超整隊出關該提督見已由鄂赴川料理葬親事畢即可部署起程惟派員分赴北口廣東探買馬匹洋槍等項並回川招募勇丁需費甚鉅著駱秉章先行籌款撥濟俾得及早成行不得藉詞推諉至鮑超一軍啟行後每月所需餉項前經諭令湖北等省督撫酌定數目奏明撥解僅據沈桂芬奏撥地丁銀十萬兩陸續批解其餘尙無確數將來全軍西行若非籌定月餉源源接濟必致貽誤軍行楊岳斌前請以東征局釐金移作西征之用業經諭令官文等斟酌籌辦仍著官文俟楊岳斌抵鄂後與之熟商應如何酌量分撥俾鮑超一軍得此有著之款庶期士飽馬騰勒辦不至棘手官文楊岳斌素顧大局諒必能妥籌辦理也甘肅自固原克復後雷正綰陶茂林等軍分投進剿軍威甚振鮑超抵甘後如果出關之路已通即可徑赴哈密起期進剿以期迅殄逆氛不必俟甘省全行肅清再行前進致關外望援孔亟也鮑超回籍以後所有籌備西征一切情形並准其專摺奏報該提督當奮勉圖功以副委任將此由五百里諭知官文駱秉章楊岳斌並傳諭鮑超知之○諭瑞雲奏涼州郡城內外逆回變亂剿除淨盡一摺涼州回匪結連營中回眾謀逆焚燒關廂攻撲郡城經瑞雲督飭涼州滿漢文武員弁及紳民團勇人等協力截剿剷除殆盡辦理尙屬周妥前據恩麟奏平番撲城回匪擊剿漸退城圍稍解大股仍在城外十里二十里地方盤踞當經諭令陶茂林馳赴秦王川會同恩麟所派之宣威等營合力進剿平番距涼州並不甚遠設賊匪被擊北竄涼州郡城居回甚眾入伍食糧亦多回

兵設再勾結煽亂關繫非輕著瑞雲仍飭派出兵勇接捕餘匪以淨根株並令在事文武將回眾回兵妥爲撫輯彈壓毋令滋生事端其平番一帶賊匪著恩麟陶茂林懷遵前旨嚴飭兵勇迅圖掃蕩以期早日肅事毋任蔓延將此由六百里諭知瑞雲並傳諭恩麟陶茂林知之○予河南陣亡遊擊胡得勝等祭葬世職○甲辰諭軍機大臣等駱秉章奏遵覆鮑超回川募勇所需經費川省無款可籌一摺昨據官文奏鮑超業已抵鄂起程回川見派員分赴北口廣東採買馬匹洋槍等項並回川募勇需費甚鉅曾諭令駱秉章先行籌款撥濟茲覽該督所奏川省庫款本屬入不敷出見在攻剿階州月餉及此後尚須籌辦滇黔之事餉源既絀出款愈多鮑超募勇經費專恃川省籌解實屬無款可籌等語自係實在情形伊犂軍事望援孔迫切超一軍自不能俟甘省肅清始行出關該提督所部一萬餘人將來甘肅稍鬆尚可於在甘剿賊兵勇內就近分撥出關駱秉章自可無庸再行撥兵助剿其月餉業已於東征局籌畫諒官文等亦必能妥籌協濟惟該提督募勇經費及採買馬匹洋槍等項需費甚繁駱秉章自當勉力籌濟以期及早成軍剋日啟行解關外倒懸之厄該督素顧大局諒能不分畛域著仍遵本月初八日寄諭將鮑超一軍所需軍裝器械及一應購買馬匹之需安速籌款俾利進行其鶴齡所帶川勇前已諭知都興阿飭令出關改赴哈密防剿矣將此由五百里諭令知之○乙巳諭內閣此次庶吉士散館著用策論考試○諭軍機大臣等閻敬銘奏豫匪突入東境調兵迎剿並布置情形一摺前日據張之萬奏稱賊由遂平西平等處繞及鄧城日向北趨當以北路空虚賊蹤飄忽諭令僧格林沁繞前截擊何以數日之間曹州單縣定陶城武荷澤鄆城鉅野金鄉濟甯均有騎馬賊匪蔓延或數十人或一二百人不等東境既有防兵何以任令闖入漫無準備僧格林沁不肯截其北竄之路致令擾及完善措置殊未合宜著僧格林沁即行統領馬隊追剿嚴扼北犯之路會合山東防兵將曹濟各屬馬賊一律削平無任再肆延蔓丁寶楨已派參將宋延德先往截擊該藩司既在曹單交界之青堦集居中駐紮即著閻敬銘飭令趕緊調派兵弁認真剿捕該撫以丁寶楨勇隊無多慮其不敷分布已飛調總兵保德帶領前挑兵一千名追擊並調范正坦等帶兵前往濟甯東平等處剿辦均著嚴飭該總兵等實力勦洗省城防務並須妥爲布置毋稍大意直隸東明長垣一帶與曹接壤劉長佑前次備調之各起兵勇著即調赴大名等處嚴爲防備如須出省布置並著酌度情形妥爲辦理直隸見存馬步共有若干名數遇便奏聞僧格林沁帶兵北向著吳昌壽遵照疊次諭旨帶兵直抵豫境爲僧格林沁接替之軍迅將豫省餘匪奮力勦除不得稍分畛域此股賊匪飄忽而來究係何處股匪是否有宋傑詩在內著僧格林沁閻敬銘查明具奏張之萬與吳昌壽到豫時飭令各營兵勇聽候調遣兼令

各州縣整飭團練同心滅賊並嚴飭河北鎮道加意嚴密防守以靖地方并省防務仍舊妥籌辦理毋稍疏懈將此由六百里加緊各諭令知之○諭沈葆楨奏閩賊去江日遠交卸起程回籍一摺沈葆楨前以福建漳逆竄至白沙於給假之後仍暫緩起程見因白沙之賊歸併漳郡直趨海隅去江甚遠該撫已於三月初一日交卸由江起程並令裏雲慶統所部由會昌前進武平劉勝祥移紮瑞金贛南防務責成席寶田會商各軍相機辦理如逆蹤回竄該撫仍擬星馳回江足見體國公忠能顧大局惟江省兵燹之餘一切軍事事吏治刻刻需人整理如軍情稍緊該撫固須迅即回江即閩省逆勢日衰無虞回竄亦當無庸拘泥假滿早行回任以慰馳驅另摺奏參剋扣勇糧之靈營大員請旨懲辦等語鮑超所部靈營見在料理西征而該營分統之記名提督譚勝達總兵周有勝竟敢將所發餉銀捏開名目多方剋扣以致合營鼓譟幾成大變本當按照軍法立置重典惟據該撫奏稱該員等均身經百戰屢著奇功從寬暫允所請記名提督譚勝達提督銜記名總兵周有勝均著一併革職發往鮑超軍營效力贖罪並著該撫咨行鮑超如該革員等到營後仍萌故態或不得力即行按照軍法從事毋稍姑息記名提督直隸宣化鎮總兵宋國永失於覺察咎亦難辭仍著交部照例議處其靈營弁勇為首滋事之人著飭宋國永不動聲色密行拏辦以儆刁風該撫密陳片一件已交軍機處存記將此由五百里諭令知之○諭明緒奏請調東省勁旅出關剿賊錫霖等奏遵旨籌防暨錫霖奏因病懇請開缺一摺見在吉林等處存防兵數無多勢難再行抽調應毋庸議伊等各城待援甚急前經疊諭穆圖善俟甯夏軍務稍鬆即行統軍出關並經都興阿等派署肅州鎮總兵德祥帶兵一千名前赴哈密其川省派援之鶴齡一軍亦經諭令改往哈密一帶防剿此時計均可出關著明緒飛檄德祥等軍迅將哈密等處回匪剿除即可直達庫爾喀喇烏蘇漸次西下明緒仍當激勵存城兵勇妥籌防剿以待援兵並隨時偵探巴燕岱城防情形妥為兼顧塔城防務亦關緊要錫霖輒以舊疾復發懇請開缺回旗顯係意存諉卸錫霖著即開塔爾巴哈台參贊大臣之缺由明緒調赴伊犁聽候差委不准藉故遷延所遺塔爾巴哈台參贊大臣著武隆額馳往署理塔地車排子地方人民慌亂土爾扈特相近之海沿一帶並有遺勇數百名肆行滋擾概來縣回匪亦竄至大小拐一帶距塔城不過百餘里錫霖派令委營長穆隆阿會同台吉特古斯蒙古官兵嚴密防守即著武隆額迅赴塔城札飭派出各軍慎防要隘錫霖札飭就近住牧之哈薩克台吉挑選阿勒巴圖數千名備調為數太多著即妥籌鎮壓毋任境外匪徒勾結滋事塔城回眾向稱良善武隆額到署任後即督飭署參將米慶等妥為撫輯曉諭回眾毋為浮言所搖伊城帶兵需員博勒果素已於上年十二月調任伊犁領隊著侯武隆額到塔後酌帶兵練馳赴伊垣會同明緒



相機進剿塔爾巴哈台領隊大臣印務即交圖庫爾接辦將此由六百里各諭令知之○丙午諭內閣前據左宗棠奏查明已革浙江按察使李元度參款當降旨交刑部分別情罪定擬具奏嗣據該部議定罪名請將該革員發軍臺效力贖罪亦經降旨照准茲據沈葆楨李鴻章奏稱李元度後此雖有可議之罪前此究有不可掩之功將該革員事蹟臚列呈覽並稱李元度之母撫孤守節年已七旬家無次子情實可憫懇請免其發遣等語著刑部再行覈議具奏○諭前因御史陳廷經奏參湖北布政使厲雲官聲名狼藉巧於逢迎各款當經諭令官文等嚴查參辦茲據官文吳昌壽奏稱查明厲雲官性情耿介不避嫌怨並非善於逢迎此案既經該督等查明均無其事著毋庸議官文等請飭該員補行回籍守制之處著照所請厲雲官即著開缺回籍守制並官文等飭令該員將經手事件趕緊清理以便迅速起程○江蘇巡撫李鴻章奏郭松林等援閩之軍應由廈門進兵得旨即著密飭於到廈後察酌賊勢進取先截其窺伺海濱之路如賊股竄粵即著奮力跟追與粵師會攻以收夾擊之效潮州一帶該撫即查明廣東督撫厚集兵力水陸嚴防以期有備無患○丁未欽奉 慈禧皇太后懿旨所有皇帝讀書課程及弘德殿一切事務均著醇親王總司稽查用昭慎重○以何璟為湖北布政使

由安徽按察使遷

○戊申僧格林沁奏查髮捻各逆前由臨潁鄆城一路向南奔突臣令張曜宋慶郭寶昌跟蹤尾追並令副都統倭和總兵陳國瑞由扶溝商水繼進嗣探該逆有竄往上蔡之勢惟恐再竄楚疆擾及完善因飛咨官文扼要布置一面札飭提督成大吉姜玉順即赴九里關外西自黃坡站七里坪東至界嶺等處嚴密扼防旋探該逆竄至汝甯有攻毀

民寨情事更恐煽惑伏莽又肆鴟張遂於二月初五日飭營總何建鼇取道商水先往堵禦臣僧格林沁即於初八日親督馬隊自鄆陵啟程前進並商令臣國瑞暫紮許州以為後路聲援十一日臣行抵汝甯偵知逆眾由息縣以北向東南奔突臣札調總兵詹啟綸迅赴三河尖會同藩司英翰實力堵截以扼入皖之路十四日臣追至息縣屬之陡溝該逆連夜竄入羅山境內十六日我軍馳至羅山西南之張家店已繞出賊前正可迎頭截剿而該逆又向信陽一帶狂遁十八日在中山鋪等處經郭寶昌等追及賊尾小有斬擒逆眾復西竄信陽以東三河一帶十九日翼長成保常星阿張曜宋慶會合郭寶昌行至十八里廟賊眾由山口衝出郭寶昌等奮力迎擊自已至申斃賊數百名二十日臣至信陽該逆已折而北竄復由二十里河向西北奔逸臣即催調陳國瑞等自陡溝探蹤西進二十四日臣至確山適陳國瑞等軍亦到該逆大股約有萬餘在確山逸東數里列隊屯聚臣當派翼長全順管帶馬隊與陳國瑞步隊由西面進何建鼇倭和帶領參將施紹乾等由西南進以常星阿所部馬隊助之並令成保帶領黃旗馬隊在南面依山列仗以郭寶昌之軍伏於山口總兵張曜宋慶等

在後策應布留忠定臣在山巖督陣逆眾旋即盡擁前來直撲西面凶猛異常陳國瑞歷戰時許步賊已怯而馬賊猶拚命死關正相持間郭寶昌由山口突出將馬賊衝斷何建鸞倭和隨後接應全順常星阿亦各帶馬隊直前衝壓逆勢不支紛紛敗退我軍追殺十餘里屍橫遍野追至小橋地方逆眾復敢回拒我軍又極力奮擊賊向東北竄遁是役計斃悍賊三千餘名奪獲旗幟刀矛不計其數逆眾遺棄輜重甚多救出難民及逃散者不下數千人據獲賊供稱是日係逆首賴汝洗任化榜牛路紅張總愚陳大灣等各股悍黨合力死戰受創後敗竄者僅係馬賊其步賊已所餘無幾該逆見由遂平西平鄆城鄆陵許州扶溝各境直走睢州三月初一日臣追至睢州以北據探該逆由李八集竄過黃河老隄圖擾東境當飭藩司英翰總兵詹啟綸由潁毫歸德成城一路向單縣進發初四日臣追至曹縣西北該逆仍向東北竄突恐其偷渡運河復飛咨撫臣閻敬銘並札兗州鎮道分投嚴防又慮該逆不渡運河必將同竄豫疆遂令總兵張曜宋慶等即在虞城一帶扼紮俾資防剿臣連日自定陶城武嘉祥鉅野等境於初七日追於汝上縣之馬家海地方而該逆行走甚速晝夜無停竟於是日由開河地方渡過運河初九日竄至甯陽折而東南臣見已督軍追至曲阜縣西北此股逆匪形同流寇一味狂奔我軍馳追而月每日均在百里以外往返不下三千餘里未敢稍息步隊奔馳既久業已節節落後擬稍待兵勇到齊即當相機追剿查確山之戰陳國瑞勇隊打仗最為奮勉郭寶昌勇隊同時進剿亦極出力是以每營賞給銀五千兩何建龍所部勇隊奮力接應亦賞銀三千兩已飭糧臺照數給發其陳國瑞郭寶昌之帶隊員弁均屬勇往未便沒其微勞謹另繕清單懇請獎勵出自天恩上諭軍機大臣等據僧格林沁等奏稱追剿髮捻各逆獲勝敗匪由豫入東緊蹙進剿各摺片此股賊匪勢同流寇官軍追剿而月上下往返馳逐幾及三千里各營將士均形勞苦惟步兵逐日過行足無停趾疲乏異常該親王於步隊兵勇到齊後須令暫為休息再行進兵方不至有前突後竭之虞賊蹤剽疾此舉彼竄是其慣技著該親王檄令各營及東省官軍分路布置於逆匪圖竄之路豫為扼要駐紮庶四面兜撿易於殄滅若一味跟剿官軍處處俱落賊後恐該逆任意蔓延將成不了之局僧格林沁韜略素嫺諒能謀定後戰迅殄逆氛也陳國瑞打仗奮勇該親王已將陳國瑞郭寶昌兩軍各賞銀五千兩何建龍等所部賞銀三千兩所辦甚是惟該親王所部馬隊晝夜奔馳不辭勞瘁亟應量加鼓勵亦著賞給銀五千兩即由山東藩庫發給其馬隊出力各員弁並著隨時保奏候旨施恩閻敬銘飛檄東省官軍會同僧格林沁所部各營協力剿洗務將此股就地殲除毋任再行肆擾賊匪大股雖趨東境而豫省匪蹤尚未淨盡著吳昌壽懷遵前旨迅赴豫疆實力剿辦該省餘匪即責成吳昌壽迅速掃除不得稍分畛域張之萬仍一面查明何路尚有伏莽飭屬

認真搜捕同心殺賊以期次第廓清直隸東明長垣一帶毗連曹考難保該匪不由東竄直劉長佑前次備調之各起兵勇是否已抵大名等處應否出省布置均著妥籌辦理並將防守情形隨時奏報以聞曹州濟甯之匪經僧格林沁大兵跟剿恐其竄入徐州一帶著彭玉麟迅速赴任督飭官軍嚴密防守毋令擾及皖區彭玉麟未到任以前即著吳棠分路布置妥爲辦理僧格林沁另片奏郭寶昌打仗勇往請旨遇缺簡放等語已諭令軍機處存記惟陳國瑞打仗素稱得力確山之戰據奏最爲奮勉亦應量予恩施並著該親王隨時察看酌量保奏俾資鼓舞將此由六百里各諭令知之○諭惠慶奏古城被圍日久請飭官兵趕緊赴援一摺逆回糾眾攻撲古城勢甚驕張經官兵奮力拒擊殺賊無算賊鋒始卻該城被困日久亟望官軍救援旋探聞色普詩新帶領滿漢兵勇二百餘員名由奇台行抵富家莊地方遇賊接仗因寡不敵眾先勝後挫色普詩新及帶兵員弁一時傷亡全軍俱潰古城兵食將竭勢甚岌岌都興阿等所派署肅州鎮總兵德祥所部兵一千二百餘名見已行抵哈密著都興阿穆圖善飛檄德祥統帶官兵相機前進鶴齡一軍並著都興阿等飛催出關與德祥之軍聯絡進剿都興阿等當嚴飭德祥鶴齡等隨時審度軍情穩慎進取萬不可稍有挫失致損軍威刻下甘肅雷正綰等軍已諭令由李旺堡同心城一帶與都興阿等會攻甯靈計可聲息相通回環策應剋期蕙事古城援兵尙形單薄穆圖善一時未能出關如各軍中尙有可以抽撥之兵卽由都興阿穆圖善先行派往助剿以資厚集扎克當阿伯錫爾因哈密防務緊要招募民勇一千餘名訓練協剿著仍懷遵前旨認真揀擇訓練成軍協同在城防兵與巴里坤官兵聯爲一氣互相援應哈城兵勇見既募集千餘合之鶴齡德祥兩軍諒數分布自應設法救援古城惟古城越氛甚熾赴援兵力亦須稍厚若僅以數百人前往則寡不敵眾於事無濟哈城爲進兵之路防守亦關緊要除將各軍分撥圍防外其餘酌量調赴古城應援兼須妥籌後路接應之兵以免疏失卽著扎克當阿伯錫爾妥籌辦理惠慶惟當激勵存城兵勇固守待援毋稍疏懈並著飭奇台縣知縣恆頤等多籌糧糈妥運到城以濟軍食甘肅省城見有陶茂林勁旅本省之兵如可騰出卽著恩麟移緩就急酌撥若干飭赴哈密以厚兵力將此由六百里諭知都興阿穆圖善扎克當阿伯錫爾惠慶並傳諭恩麟知之○以李宗義爲安徽按察使由署兩淮鹽運使遷○子古城陣亡署巴里坤領隊大臣吐魯番領隊大臣色普詩新祭葬世職如都統例諡武愍佐領惠斌等祭葬世職○己酉左宗棠徐宗幹奏劉典王德榜王開琳張恆祥等由汀連進剿南陽汪海洋老巢疊次獲勝賊勢日蹙劉典料賊竄必速二月初三日派楊芳桂張福齊會同王德榜所部戴奉聘等馳赴中村截擊初四夜間南陽之賊果棄巢竄走知縣陳鴻藻等由亭子嶺殺入薨賊數百名初五日楊芳桂等追至上杭所轄舊縣又殺斃數百名劉典慮

賊由龍巖內竄當飭李耀南等於初六日進紮華家亭適賊出舊縣竄歸白沙我軍分路夾擊殺賊五六百名生擒百餘名  
初七日劉典會同王德榜進剿白沙張福集等率所部猛進殺賊三百名賊退里許仍拌命回竄後路之賊亦竊擁而來  
郭慶雲怒馬衝入賊陣直取汪逆中槍陣亡官軍因之稍卻適王德榜將李塘伏賊擊賊乘勢追過田隴親督何秀清等鈔  
出賊後康國器由龍巖飭所部營官羅洪標等同時馳至合力衝殺賊遂大奔官軍追殺十數里始還是役共計斃賊數千  
名生擒數百名拔出難名無算王開琳一軍聞南陽賊竄亦分路疾追甫抵茶樹下悍賊四五千來撲王開琳督各營力戰  
殺賊三四百名初六日復躡蹤追擊逆賊且戰且退遂向永定縣屬坎市竄去汀州連城境內肅清其劉明珍趙均由漳平  
進紮南路永福里將和溪踞逆擊敗後二月初三日進攻板場後壩賊卡破之殺賊五六十名初四日和溪之賊糾添水潮  
悍賊數千來撲劉明珍趙均派隊馳往策應而自率所部繞攻和溪梁友武破卡直入斃賊數百名餘匪紛紛潰竄立將和  
溪賊壘掃蕩初五日乘勢進攻水潮逆匪丁汰洋聚眾數千抗拒劉明珍等督隊奮擊賊急棄水潮而遁計兩日共斃賊千  
餘名拔出難民無數竄汪海洋經官軍痛剿圖擾江西因江西兵力厚集不能竄越又待逆已爲高連陞所敗漳逆呼援甚  
急因與汪逆合股漳逆於正月二十日分黨窺犯漳浦二十一日竄陷縣城見復遣黨屯踞南路官田廟廟前一帶以竄石  
碼並喉龍巖敗逆由北路圖犯長泰左宗棠於南陽逆賊未竄之先已飭張恆祥一軍移紮漳平劉清亮一軍由同安相  
機前進見在高連陞黃少春分駐石碼以扼北溪而南陽肅清後王德榜已赴龍巖劉典亦馳赴漳平漳州西北一帶以刻  
下局勢論之北路應嚴扼華封司朝天嶺諸隘由和溪水潮進剿南靖南路應嚴扼石碼進窺漳浦李鴻章所派郭松林楊  
鼎勳兩軍由上海赴閩等會商擬俟兩軍至廈即由海澄進取漳浦先斷其入海之路然後由九龍嶺木棉巷會攻漳城  
並杜其竄粵之路其王開琳所部已飭移紮永定河邊兼顧上杭以扼其奔竄江西能將汪海洋李侍賢兩大股於閩境殲  
除則丁汰洋林政揚等賊亦無能爲矣至婁雲慶接統鮑超所部整理未會就緒並未入閩見在賊旣趨併南靖漳州汀防  
稍鬆即可仍畱江境左宗棠擬俟劉典抵漳平後將北路軍事布置稍定再行進省籌辦一切如須赴泉州同安督剿再  
當出省辦理上諭軍機大臣等左宗棠等奏官軍追剿獲勝汀連肅清劉明珍等由漳平南路進剿和溪掃蕩賊壘乘勢  
進攻水潮丁逆棄水潮而遁待逆爲高連陞所敗呼援甚急圖與汪逆合股漳州踞逆竄陷漳浦見復遣黨屯踞南路官田  
顏厝前一帶以窺石碼並喉龍巖敗逆由北路圖犯長泰左宗棠已飭張恆祥一軍移紮漳平劉清亮一軍由同安相機前  
進高連陞等分軍駐石碼扼北溪王德榜已赴龍巖劉典亦馳赴漳平漳州一帶布置均尙周密逆勢見已窮蹙惟當防其

就近入海勾結洋盜各處竄擾郭松林等計可由滬抵閩著左宗棠徐宗幹即飛飭由海澄進取漳浦斷其入海之路吳全美已募紅單拖幫等船赴閩著飭令嚴扼海口遇賊即擊毋稍疏懈該督撫務當檄飭南北兩路見取南靖漳浦將汪李等逆就地殲除毋任再行紛竄該逆飛走技窮必將拚死出竄廣東江西邊境以圖一逞著瑞麟郭嵩燾飭令李福泰等軍嚴防潮州及埔饒等處方耀等軍已入閩者即令歸左宗棠調遣儘量邊有警仍令回顧沈葆楨已起程赴閩孫長絨責無旁貸當督飭前派防軍嚴扼本境如被闖入完善惟該督撫等是問雲慶接統鮑超所部既未入閩即著仍畱江境協同防守俟此股賊平仍遵前旨馳赴鮑超軍營隨同出關剿賊左宗棠侯劉典到後布置定妥再行進省辦理一切事宜將此由六百里諭知瑞麟左宗棠徐宗幹郭嵩燾並傳諭孫長絨知之○諭楊能格奏慶陽糧臺兵數日增請飭催協餉並將陶茂林軍餉解省支放一摺都興阿等兵數日增而協餉寥寥解到者已盡支銷未解者杳無信息若不亟爲籌畫飢軍譁潰堪虞著略乘章張之萬閻敬銘沈桂芬將協甘欠解之款各先籌撥銀十萬兩務於四月內解赴慶陽並著沈桂芬飭令河東道將欠解甲子綱鹽課趕緊批解一面將乙丑綱實力催徵源源報撥以維大局楊能格奏稱慶臺奇窘陶茂林一軍餉項請仍由陝省供支等語慶臺餉需缺乏陶茂林一軍無力支應亦係實情所有陶茂林軍餉即著劉蓉竭力籌措每月應如何協濟之處奏明辦理前撥江海關海兩關及四川專餉即由陶茂林咨催各該省督撫等趕緊報解並令徑解蘭州省城以備供支恩麟亦當隨時接濟毋令陶茂林一軍餉需缺乏致誤戎機陶茂林軍餉見在既不由慶臺供應若各省協款批解稍遲該提督軍餉勢必一無著落將士枵腹從事貽誤非輕陶茂林遇有餉項不繼之時仍著楊能格妥爲兼顧不得因有此奏意存推諉置大局於不問另片奏糧臺欠餉甚鉅楊岳斌入甘部撥餉銀已有成議請飭該督自立糧臺等語楊岳斌後路糧臺已令李桓辦理即著該督於安營處所就近自立糧臺以備收支其撥定該營餉銀即著楊岳斌咨會各該省徑解該督糧臺各省欠餉由楊岳斌自行催提其蔣凝學入甘餉需即由該督糧臺支放以清界限而專責成將此由六百里諭知略乘章楊岳斌張之萬閻敬銘沈桂芬劉蓉並傳諭陶茂林恩麟楊能格知之○庚戌諭軍機大臣等本日據張之萬奏賊竄東境閻敬銘奏捻蹤東竄並據劉長佑奏調兵出省督辦及存營調出兵數各摺片覽奏均悉僧格林沁以馬隊追賊晝夜遊行三千餘里賊匪到處有馬可攜官軍無馬更換疲乏殊甚若再與盡力追逐勢必爲賊所乘務當穩慎進取飭令丁寶楨所帶之勇分投布置嚴密扼截閻敬銘亦當懷遵前旨檄令東省各營處處截剿並督飭團練固守鄉村毋任賊勢蔓延僧格林沁所帶步隊亦須暫息數日再行追賊丁寶楨所部勇丁即著歸僧格林沁調遣合力攻剿張之萬見



飭張曜宋慶等軍馳往虞城卽著聽候格格林沁調遣嚴密扼截毋任賊蹤回竄知府湯聘珍等軍張之萬見已檄令北渡並檄河北鎮道調集營兵整頓團練務當督令節節設防嚴密布置汴梁以南尙恐有另股敗匪續行北竄張之萬亦當分兵豫防毋得顧此失彼劉長佑見已調兵定期出省擬先駐廣平並令臬司李鶴年總辦營務自可得力仍須嚴扼濮范沿河一帶毋令逆蹤偷渡一面與張之萬所派河北防兵聯絡聲勢毋稍疏懈直隸各標兵丁仍著隨時訓練以備續行調遣此股逆匪既有宋憬詩在內難保不復竄直東一帶熟路肆行滋擾臨清州南北各州縣閭閻敬銘務當調派兵勇與直隸防兵互相援應嚴加防範吳棠彭玉麟仍當遵奉前次諭旨嚴扼邵宿一帶以防賊撲清江東犯裏下河之路本日復據官文吳昌壽奏稱湖北長陽匪黨搜捕肅清一摺巨匪田世珮等雖經檢斬黨與殲除仍須留駐兵勇鎮壓毋任餘孽與豫捻勾結復行滋蔓吳昌壽當迅速帶兵馳赴豫省督率攻剿並將到豫日期馳奏毋稍觀望楚北邊境卽由官文分飭各軍扼守以防回竄至山西澤潞兩府與河北彰衛懷一帶處處毗連平定一路亦與直隸井陘獲鹿接壤沈荃當卽分派兵勇擇要扼守毋任賊蹤竄入是爲至要將此由六百里各諭令知之○諭恩麟奏涼州回匪變亂先後撲滅竄擾平番回匪擊敗回巢及古浪縣屬回匪滋事旋即殲滅各摺片涼州府城關回匪勾結變亂前據瑞雲奏報業已剿滅淨盡回弁馬忠亦經擊斃此次恩麟所奏探報各情與前奏大略相同惟據稱回弁馬忠並在逃之百餘人尙未弋獲與瑞雲所奏剿滅淨盡情節不同是否探報之誤仍著瑞雲恩麟查明有無餘匪迅速拏辦並著恩麟飭令道員黎獻查明該匪懷疑變亂情由出示曉諭以安反側其竄擾平番之匪於官軍剿敗之後分踞武勝堡等處經黎獻會同副將張琮督軍剿敗退回米拉溝逆渠並將古浪縣屬馬得彪一股匪徒立時掃蕩以免勾結之患辦理尙屬迅速卽著嚴飭黎獻督同各路民團扼要防堵毋任蔓延爲害前諭陶茂林一軍馳赴秦王川會剿平番逆匪並防該匪北竄涼州該提督前由靖會一帶搜剿固原餘匪見在行抵何處能否分兵會合黎獻等軍將米拉溝賊巢迅圖掃滅並嚴防該匪北竄涼州之處著恩麟陶茂林妥籌辦理署安肅道恆齡接濟哈密軍食前已據扎克當阿奏報尙能竭力籌措有裨軍務見在德祥及鶴齡各統所部出關諒已先後行抵哈密並此外仍有續行出關之兵應用軍食卽飭該署道寬爲籌備儻有不敷准其於近省協撥銀內酌量動撥採買俾利軍行將此由六百里諭知瑞雲並傳諭陶茂林恩麟知之○予湖北陣亡參將楊先疇等祭葬世職建祠○辛亥諭內閣朕奉 慈安皇太后 慈禧皇太后懿旨前據惇親王醇郡王降調通政使王拯御史孫翼謀先後陳奏恭親王雖經獲咎尙可錄用各摺當交王公大學士九卿翰詹科道會同詳議具奏茲據禮親王世鐸等大學士倭仁等會議覆奏並據內閣

學士殷兆鏞都察院左副都御史潘祖蔭內閣侍讀學士王維珍給事中廣誠及科道等聯銜各摺均以恭親王咎由自取惟係懿親重臣應否任用予以自新候旨定奪等語所見大略相同惟給事中廣誠等摺內所稱廟堂之上先啟猜嫌根本之間未能和協駭中外之觀聽增宵旰之憂勞等語持論固屬正大而於朝廷辦理此事苦心究未領會雖前日面諭軍機大臣等隨同李鴻章赴內閣傳諭諸臣而科道等仍有此語實有不能不再行宣示者恭親王誼屬懿親職兼輔弼在親王中倚任最隆恩眷極渥特因其信任親戚不能破除情面平時於內廷召對多有不檢之處朝廷寸漸防微若復隱忍含容恐因小節之不慎致誤軍國重事所關實非淺鮮且歷觀史冊所載往往親貴重臣有因遇事優容不加責備卒至驕盈矜誇鮮克有終者可爲前鑒日前將恭親王過失嚴旨宣示原冀其經此次懲儆之後自必痛自斂抑不至再蹈愆尤此正小懲大誡曲爲保全之意如果稍有猜嫌則惇親王等摺均可畱中又何必交廷臣會議耶茲覽王公大學士等所奏竊以恭親王咎雖自取尚可錄用與朝廷之意正相脗合見既明白宣示恭親王著卽加恩仍在內廷行走並仍管理總理各國衙門事務此後惟當益矢慎勤力圖報稱用副訓誨成全至意在廷臣工均爲國家倚任惟當同矢忠赤共濟時艱毋得因此稍存疑慮畏難苟安致蹈因循積習前此宣諭在廷臣工知之○諭前據倭仁等奏遵旨查訊翰林院編修蔡壽祺摺內緊要條件一摺據稱於本月初六日將蔡壽祺原摺內所稱挾重賞而內膺重任善黃緣而外任封疆之緊要二語傳到蔡壽祺面加訊問當據供稱薛煥劉蓉行賄黃緣係得自傳聞應否查辦伏候聖裁等語朝廷登進人才豈容納賄行私致滋物議薛煥劉蓉或內躋卿貳或外任封疆均係朝廷大臣如於蔡壽祺所參不行查辦何以重名節而振紀綱著薛煥劉蓉各將所指行賄黃緣一節據實明白回奏以憑查辦儻敢有一字欺飾再經查出定行從嚴治罪○諭曾國藩奏請將龍江西新兩關暫緩開設並撥款辦運一摺據稱江南城外向設龍江西新兩關咸豐三年以後關稅停徵近年在大勝關抽釐復在城中添辦門釐因地方元氣過傷所收已屬無幾若遽撤卡設關徵收斷難足額加以衙署開銷吏胥苛索恐所徵尚不能敵釐卡之數請援照浙江成案無庸開關徵稅等語所奏切中地方利弊江南蹂躪日久商民疲困正宜休養生息以培元氣若開關既於國課無益而閭閻書巡役人等轉得肆意誅求勢將商民生畏裹足不前於招集流亡之政殊有關係著松瑞將龍江工關西新戶關均暫緩設立俟商賈復業再由曾國藩奏請設關以復舊制並著照曾國藩所擬先於江甯藩庫撥銀二萬兩解交織造爲購辦乙丑年大運之需並於釐金項下按月提銀一千兩爲津貼該織造及所屬各員養廉薪貲書吏匠役紙張飯食等項費用至江甯織造所辦年貢共需銀若干應由何款撥解據曾國藩奏稱因藩署文卷全失無

案可稽著戶部內務府查明成案具奏尋奏遵查江甯織造成案其按年例款僅內務府有歲撥藩庫銀四萬三千三百餘兩歷年動用均有節省歲銷以三萬兩內外爲准至年貢向不作正開銷無案可稽應由該織造會同該督籌商辦理從之○諭軍機大臣等都興阿穆圖善奏移營進剿復勝情形並請豫調馬隊一摺都興阿等軍進攻甯夏逐日出隊均有斬擒見在黃金山等已偪聚東門等處擊破賊卡挑挖長濠正當乘此聲勢將城賊聚而殲旃迅圖克復惟鹽靈中衛賊匪分股竄擾皆爲甯夏賊黨外援雖經都興阿等派兵防剿尤當相機妥籌兼顧庶免賊匪得以勾連又煩兵力卹州宜君中部等處亦有賊匪滋擾雷正綰劉蓉當分籌截剿毋令蔓延甯夏肅清後都興阿等卽須振旅出關惟所部馬隊無多難資剿辦常星阿等各起馬隊前經雷正綰奏調已諭令僧格林沁酌量調撥著僧格林沁斟酌情形一俟軍務稍鬆卽先將此項馬隊迅飭赴甘改歸都興阿軍營聽候調遣楊岳斌前已據奏起程卽著星速前進以便與都興阿等商辦一切事宜楊岳斌入陝時常星阿等如尚未抵甘著雷正綰劉蓉催令該副都統等督帶馬隊馳赴甯夏其訥依楞阿馬隊業經劉蓉飭赴都興阿軍營著卽催令前進鮑超告假回籍此時想可抵川著駱秉章迅催該提督趕緊部署入甘都興阿等出關後甯夏北路軍情或交鮑超接辦或卽由雷正綰兼顧屆時自可酌度辦理不至接替無人詹啟綸一軍見隨僧格林沁剿辦豫捻都興阿等請令該員迅赴甯夏之處著暫緩置議將此由六百里諭知僧格林沁都興阿穆圖善雷正綰駱秉章劉蓉並傳諭鮑超知之○以籌辦甘肅營務奮勉賞已革安徽巡撫翁同書五品頂帶○諭劉長佑撥古北口官兵三百名赴甘肅助剿並按月撥解餉銀○壬子諭軍機大臣等昨據僧格林沁閣敬銘等各奏豫匪竄入東境蔓延曹濟等屬歷十數州縣而至曲阜僧格林沁見帶馬隊緊躡其後閣敬銘亦派丁寶楨帶領勇隊分投追擊此股賊匪由豫竄東勢極飄忽恐不能逞志於東必將竄擾徐邳一帶疊經諭令彭玉麟趕緊赴漕督新任辦理徐宿防務彭玉麟未到任以前仍由吳棠認真辦理惟徐宿等境與東省接壤地方甚屬空虛恐防兵不能得力難固藩籬著曹國藩速派得力兵將馳赴徐宿交彭玉麟等妥爲調遣如賊近江蘇邊界卽須出境會合山東官兵夾擊裏下河地方尤爲緊要並須妥爲防範毋令賊蹤闖入彭玉麟懇辭漕督業經批令仍赴新任毋許回辭該大臣可就近切催令速到任辦防以便吳棠早日入粵劉銘傳一軍見在何處能否分兵赴淮東交界處所扼要並著妥籌調派署兩淮鹽運使李宗羲已經簡任安徽按察使見當整飭離綱之際必須廉明練達有爲有守之員方足以資整頓著曹國藩遴派委員先往接署仍著酌保數員候旨簡放總期操守謹嚴洞悉鹽務情形於興利除弊各事宜實力舉行庶於國課民生兩有裨益本日簡授山東鄧州鎮之周惠堂見在是否在營著該大臣卽

行催令赴任以重職守將此由六百里諭令知之○癸丑諭內閣薛煥奏遵旨明白回奏請簡派大臣認真查辦一摺著派肅親王華豐會同刑部都察院堂官秉公查訊務須水落石出不准稍涉含糊原派查辦之大學士管理刑部周祖培刑部左侍郎王發桂及軍機大臣都察院左都御史曹毓瑛刑部右侍郎恩麟都察院左副都御史恆恩俱著同避薛煥蔡壽祺均著聽候傳質○諭前因張之萬請飭催蘆商捆運豫省懸岸鹽斤當經諭令戶部速議具奏茲據該部奏稱上年四月間劉長佑奏豫省懸岸僅有滑縣一處向無商人認運其餘詳符等縣引岸均已設法招徠該部即以招辦情形查令詳細聲敘至今未覆見張之萬奏豫省應銷蘆鹽引地尚有中牟等九處懸岸其詳符等八縣雖經運司招認未據捆鹽到岸該督從前奏報各情顯有不實不盡請旨飭查等語長蘆引岸招商承運接充均係運司專責乃豫省懸岸先據張之萬奏請招商捆運而該督覆稱業由長蘆一律招辦該督既不准豫省捆運蘆鹽自應責成該運司認真經理何以詳符通許鄆城禹州密縣沈邱臨潁許州各岸於奏明招運之後仍未捆鹽到岸其中中牟新鄭准甯商水項城太康扶溝長葛汲縣九處均係懸岸又何以置若罔聞著劉長佑一面先行據實奏聞一面嚴飭該運司將中牟等九處懸岸一律招商捆運並督催詳符等八處各商迅速運鹽到岸毋再遲延儻仍有引岸虛懸藉詞搪塞著該督從嚴參辦如張之萬訪聞確鑿亦即據實奏參毋分畛域尋奏查詳符等八縣均經運鹽前往銷售已催令剋期到岸不准刻延中牟商水汲縣係商人認辦項城准甯新鄭係委員捆運有案可查惟長葛太康扶溝新報懸岸業經飭司上緊招商並責令該官商接續捆運源源濟銷下部知之○諭軍機大臣等毛鴻賓等奏閩省賊勢趨重漳州潮防喫緊擊退白垵竄賊化州靈州羅定等處擊賊獲勝各摺片閩省南陽賊匪橫竄白沙石碣等處圖入粵境經方耀等軍併力分勦將石碣等賊巢一併焚毀殲除賊匪幾及萬人另股逆匪由大埔屬之白垵直撲楓朗營盤經戴朝佐等以少勝眾斃賊甚夥勦辦均屬得手惟賊氛十倍兵勇潮嘉邊界縣互數百里路路可通該逆飛走技窮其欲繞越方耀等軍後路圖竄粵疆自在意計之中見在嘉應之防稍鬆而潮防日形緊急毛鴻賓等已飭李福泰等分紮大埔饒平等處以固藩籬著即嚴督各軍認真堵勦毋任闖入潮州民情素稱獷悍賊蹤若至一經煽惑必致燎原該署督等務當嚴密防範如後路兵力尚單亟須添調動旅層層布置萬不可令賊擾及潮防致勦辦愈形棘手方耀等軍前諭粵邊有警仍令回顧著瑞麟等仍遵前旨妥籌調度並著左宗棠徐宗幹飭規取南靖漳浦各軍將該逆就地殲除與粵省入閩之方耀等軍聯絡聲勢妥籌夾擊毋令擾及完善廣西永清匪徒擾及東省靈山縣屬博白土匪復竄化州之合江墟地方均經粵軍擊退羅定官軍復將古眉大礮雲胎各巢攻克邊境漸次肅清惟粵東粵西處處